

Չրվէժը 45 մետր լայնութեամբ եւ 70 մետր բարձրութեամբ ջրերը վիժում են ապառաժների վրայ ահեղ գոչերով, իրար վրայ երեք աստիճանի ջրվէժ են կազմում մինչեւ Թեւիմ խառնուելը: Ջրվէժի բարձրացած շառաչունը քսան կիլոմետր հեռաւորութեան վրայ լսուում է: Աշխարհի ամենագեղեցիկ ջրըրնկեցներից մէկն է. բայց ճանապարհների բացակայութեան եւ երկրի անմատչելիութեան շնորհիւ՝ այցելուներ չունի:

Թեւ առուակին միանալով, իր նախկին հունը անդաւորուելուց յետոյ, սրընթաց ահեղ մոնչիւններով առաջ է գնում դէպի հիւսիս. աջից ընդունում է՝ Մեշեմիկ, Ասմեկ, Երգեմց, Ճոգունջուր առուակները. իսկ ձախից՝ Ուզէյն, Կիրվեմց, Քարվանի, Գեֆիք բերդ եւ Աշմուշէն բերդի առուակները, որոնք ոռոգում են համանուն գեղերի հանդերը, Եայլաները, ձմեռոցները, մացրաները, ախոռները, վանքերն ու ակերակ բերդերը: Ապա Թորդումը միանում է Օլթի վտակին եւ միասին ուղղուում են հիւսիսարեւմուտք, միախառնուում Ճորոխին: Թորդում վտակի կենդրոնական ճիւղը 105 վերստ երկարութիւն ունի: